



Republika e Kosovës – Republika Kosova  
Paneli Zgjedhor për Ankesa dhe Parashtresa  
Izborni Panel za Žalbe i Predstavke

Anr.124/2017

**Paneli Zgjedhor për Ankesa dhe Parashtresa (PZAP)**, në panelin e përbërë nga gjyqtarët: Rafet Haxhaj kryesues, Adnan Konushevci dhe Faton Ademi anëtarë, me pjesëmarrjen e zyrtares ligjore Robertina Lekaj, duke vendosur përkizazi me ankesën e koalicionit LDK-AKR, me seli në Prishtinë, paraqitur kundër Lëvizjes Vetëvendosje, dega në Ferizaj, për shkak të vendosjes së posterave në shtyllë të ndriçimit publik për Zgjedhjet e Parakohshme për Kuvendin e Republikës së Kosovës, në seancën e panelit të mbajtur me 09.06.2017, mori këtë:

## V E N D I M

**Pranohet** si e bazuar ankesa e koalicionit LDK-AKR, me seli në Prishtinë, dhe subjektit politik Lëvizja Vetëvendosje, dega në Ferizaj, i shqiptohet dënim i më gjobë në vlerë prej 1,700.00 (njëmijeshtatëqind) euro, të cilën detyrohet ta paguaj në afat prej 15 (pesëmbëdhjetë) ditëve, nga dita e pranimit të këtij vendimi nën kërcënim të përmbarimit.

## A r s y e t i m

PZAP-i, ka pranuar një ankesë më datë 07.06.2017, nga koalicionit LDK-AKR, me të cilën pretendon se gjatë monitorimit të fushatës zgjedhore për zgjedhjet e përgjithshme në vend ka vërejtur parregullsi të cilën e kanë evidentuar duke i bashkëngjitur si dëshmi fotografitë e printuara nga vendi i ngjarjes. Parashtruesi i ankesës potencon se me datën 07.06.2017, rreth orës 11.00, në Rrugën “Rexhep Bislimi”, në Ferizaj, monitoruesi i tyre ka hasur në poster të kandidatit Shyqueri Hyseni, të vendosur në shtyllë të ndriçimit, për Zgjedhjet e Parakohshme për Kuvendin e Republikës së Kosovës nga Lëvizja Vetëvendosje.

Me këtë rast parashtruesi i ankesës thekson se është bërë shkelje e dispozitës së Nenit 33, pika b, e Ligjit për Zgjedhjet e Përgjithshme, Ligji nr.03/L-073 dhe konsideron se Lëvizja Vetëvendosje, ka shkel këtë nen në momentin që ka vendosur poster në shtylla të ndriçimit publik. Në mbështetje të pretendimeve ankimore ka bashkangjitur dy fotografi nga vendi ku ka ndodhur shkelja e kodit të mirësjelljes për subjekte politike, mbështetësit e tyre dhe kandidatët.

Në përgjigjen në ankesë Lëvizja Vetëvendosje, të datës 08.06.2017, ka pranuar shkeljen e pretenduar në ankesë duke arsyetuar se është njoftuar Shtabi Zgjedhor i Qendrës se Lëvizjes Vetëvendosje në Ferizaj, dhe se posteri në fjalë është larguar nga aktivistët e tyre dhe se pas marrjes së ankesës nga ana e PZAP-së, ka ndërmarrur masat përmirësuese, për evitim e shkeljes sipas ankesës. Përgjigjes në ankesë si provë për të dëshmuar pretendimet e tyre i kanë bashkëngjitur dy foto nga vendi ku janë larguar posterat.

Paneli, pasi që shqyrtoj ankesën, gjeti se:

## Ankesa është e bazuar

Paneli nga fotografitë e ofruara si provë nga parashtuesi i ankesës, të cilat gjenden në shkresat e lëndës, në mënyrë të padyshimtë, ka konstatuar se posterat e deputetëve nga radhët e Lëvizjes Vetëvendosje, janë vendosur në shtylla të ndriçimit publik, veprim ky që është në kundërshtim me nenin 33, pika b), të LZP-së e cila përcakton: “*Veprimet e ndaluara nga ana e subjekteve politike gjatë fushatës zgjedhore që ndalon vendosjen e pllakateve, posterave dhe njoftimeve në apo mbi rrugët publike*”.

Duke u nisur nga gjendja e konstatuar faktike, Paneli konstatoi se nga provat e ofertuar shihet qartë se nga ana e koalicionit LDK-AKR, është shkelur nen 33, pika b) të LPZ-së pasi që njoftimi për mbajtje të tubimit elektoral, janë vendosur ne objektin publik .

Paneli me rastin e vendosjes se gjobës si në dispozitiv të këtij vendimi, ka marrë parasysh rrrethanat si në vijim:

- Natyra e shkeljes dhe ndikimit të mundshëm të saj në procesin zgjedhor;
  - Shkallën dhe peshën e shkeljes;
  - Nëse subjekti politik ka marrë pjesë në zgjedhjet e mëparshme, konsiderohet se kanë qenë të njoftuar me obligimet dhe përgjegjësit gjatë procesit të fushatës;
  - Nëse subjekti politik ka bërë shkelje të ligjeve zgjedhore në fuqi në këto zgjedhje apo në zgjedhjet e mëparshme në Kosovë si dhe
  - Shumën e fondevë të marra nga subjekti politik prej Buxhetit të Republikës së Kosovës, për zhvillimin e aktiviteteve të lidhura më fushatën zgjedhore.

Paneli, mori parasysh të gjitha rrëthanat në rastin konkret ngase Lëvizja Vetëvendosje, kanë marrë pjesë edhe në zgjedhjet e kaluara që do të thotë se janë njoftuar me rregullat zgjedhore, dhe se shkelja nga ana e këtij koalicioni është përsëritur disa herë në këtë proces zgjedhor, ku për kundër këtij fakti posterat nga Lëvizja Vetëvendosje, janë vendosur në shtylla të ndriçimit publik. Po ashtu si rrëthanë, PZAP-i mori edhe faktin që këtij subjekti, ia dha mundësinë për tu përgjigjur ashtu që në përgjigjen e pranuar nga ana e tyre shihet qartë se brenda afatit të caktuar kanë ndërmarrë veprime për të bërë përmirësimin e shkeljes ashtu që i kanë tërhequr posterat në vendin e palejuar, i cili veprim ka ndikuar në lartësinë e gjobës së shqiptuar si në dispozitiv të këtij vendimi.

Paneli në kuptim të nenit 120.1, pika c), dhe nenit 118.1, të LZP-së, vendosi si në dispozitiv të këtij vendimi.

## **Paneli Zgjedhor për Ankesa dhe Parashresa**

Anr. 124/2017 më datën 09.06.2017

## Kryesuesi i Panelit Rafet Haxhaj

*Këshilla Juridike: Kundër këtij vendimi nuk lejohet ankesa konform nenit 118 par. 4 të LZP-së*